



### **Međunarodna konferencija**

## **Rješavanje digitalne podjeljenosti Evrope: ka održivim javnim emiterima u Jugoistočnoj Evropi**

Sarajevo, 14-15. oktobar/listopad 2010. godine

### **Naredni koraci za period 2010-2020. godina**

Javni emiteri, državni službenici, predstavnici regulatornih agencija i stručnjaci koji su učestvovali na konferenciji *Rješavanje digitalne podjeljenosti Evrope* u Sarajevu složili su se:

- da se uspostavi trajna saradnja osmišljena tako da se obezbijedi održivost svih javnih emitera u Jugoistočnoj Evropi do 2020. godine;
- da se promoviraju i poštuju vrijednosti i principi javnih emitera, koje su prepoznale i evropske institucije uključujući i Vijeće Evrope i Evropsku uniju;
- da se pozove Evropska unija da pruži podršku ovom cilju kako politički tako i finansijski, a u okviru svog cilja da se zagarantuje kohezija u Evropi.

Održivi javni emiteri su oni:

- čije je finansiranje adekvatno i stabilno;
- koji imaju ljudske i tehničke resurse potrebne za digitalno informaciono društvo;
- koji su prisutni na svim platformama uključujući i digitalnu zemaljsku, radio, mobilnu i *online*;
- koji služe svim dijelovima društva i doprinose uključenosti, razvoju demokratskog društva, kulturnom bogaćenju i inovacijama;
- koji su pouzdani, i prvi pri izboru, pružaoci nezavisnih, nepristrasnih informacija, koji ohrabruju debatu i diskusiju među građanima.

Predviđena saradnja će se sastojati od:

- dalje razmjene iskustava;
- detaljnog ispitivanja potreba svih javnih emitera u Jugoistočnoj Evropi kao osnove za odluke o politikama i dalje praćenje rezultata;
- izrade zajedničke strategije i akcionog plana;
- izrade pojedinačnih strategija i akcionih planova za sve javne emitere u regiji.

Predviđena saradnja bi do 2012. godine trebala rezultirati početkom i/ili unaprijeđenjem rada niza zajedničkih inicijativa:

- sveukupna saradnja i izgradnja kapaciteta, uključujući i cilj da se obezbijedi finansiranje iz evropskih strukturalnih/kohezionih fondova za pojedinačne javne emitere u regiji;
- tehnička saradnja i razmjena iskustava čiji je cilj smanjenje troškova potrebnih ulaganja;
- inicijativa za arhiviranje sa ciljem da se istorijska audiovizuelna arhiva iz Jugoistočne Evrope stavi *online* i da se time pokaže vrijednost očuvanja audiovizuelnog nasljeđa regije u digitalnom obliku;
- podrška saradnji na vijestima iz regije, tekućim poslovima, časopisima i dokumentarcima, uključujući i koprodukciju;
- obuka, uključujući seminare, učenje *online* i eventualno zajednički centar za obuke.

Srednjoročni cilj do 2015. godine je:

- osigurati da se svi javni emiteri nalaze na dobrom putu ka predviđenoj održivosti;
- da predviđene zajedničke inicijative daju mjerljive rezultate.

Na kraju su se učesnici konferencije složili da bi javni emiteri iz regije trebali postati mehanizmi tehnološkog, ekonomskog, političkog i kulturnog razvoja zemalja Jugoistočne Evrope i regije kao cjeline, koji u isto vrijeme podržavaju integraciju u Evropsku uniju.

Učesnici su se složili da bi se što je prije moguće trebala uspostaviti radna grupa pod okriljem Evropske radiodifuzne unije, i uz podršku RCC-a, koja bi pokrenula gore navedene inicijative, vodila aktivnosti, te pravovremeno zakazala drugu konferenciju čiji će cilj biti postizanje dogovora o detaljnoj strategiji i akcionom planu.

Učesnici su zatražili od RCC-a i EBU-a da upute zajedničko pismo Evropskoj komisiji u kome će predstaviti ovaj plan i zatražiti podršku.

U ime učesnika konferencije,

Hido Bišćević

Generalni sekretar

Vijeće za regionalnu saradnju

Claudio Cappon

Potpredsjednik

Evropska radiodifuzna unija